



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Broj: _____/18
Sarajevo, 06.09.2018.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO UNUTRAŠNJIH POSLOVA KS
MINISTARSTVO SAOBRAĆAJA KS
n/r predsjedavajuća Ana Babić**

PREDMET: ZASTUPNIČKA INICIJATIVA

Poštovana,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Ministarstvu unutrašnjih poslova KS i Ministarstvu saobraćaja KS:

Evidentna su česta kršenja slijedećih saobraćajnih propisa:

- izrazito nepoštivanje prava prvenstva pješaka na pješačkim prelazima od strane većine vozača, pa čak i onda kada su u pitanju djeca koja čekaju da prijeđu preko obilježenog pješačkog prelaza.
- Veoma često roditelji sa djecom čekaju da prijeđu ulicu van obilježenog pješačkog prelaza (koji se nalazi samo nekoliko desetina metara dalje). Ne moram ni napominjati kakva se poruka na ovaj način šalje, ne samo djeci koju roditelji uče na nepoštivanje pravila, već i djeci koja se odgajaju da poštuju propise.

Stoga, u vezi sa prvom tačkom, predlažem sljedeće:

- da se periodično angažuju pripadnici policije da na najfrekventnijim pješačkim prelazima u jutarnjim i popodnevrim časovima, kada djeca idu u školu i vraćaju se, prevode djecu preko prelaza.
- da se pokrene kampanja, putem koje bi se promovisalo poštivanje saobraćajnih propisa.
- da se povremeno za djecu organizuje kontrola saobraćaja zajedno sa policijom.

Smatram da bi se na ovaj način kroz određeni vremenski period znatno uticalo na svijest vozača.

U vezi sa drugim problemom, predlažem da se na nivou Kantona Sarajevo pokuša ostvariti saradnja sa Ministarstvom za obrazovanje, nauku i mlade, te da se roditelji putem roditeljskih sastanaka edukuju po tom vrlo važnom pitanju.

Nadam se da ćete inicijative uzeti u razmatranje.

S poštovanjem,

Neira Dizdarevic
Zastupnica Naše stranke u Skupštini Kantona Sarajevo